

07 NOV 2002

PROTON-MODEL/I

PROTON PERKENAL KERETA PICK-UP ARENA DAN TINGKATKAN WAJA 1.8

PUTRAJAYA, 7 Nov (Bernama) -- Perusahaan Otomobil Nasional Bhd (Proton) hari ini memperkenalkan modal terbarunya, Proton Arena, kenderaan angkut (pick-up) yang direka bentuk seperti sebuah kereta, dan Waja 1.8 liter yang dipertingkatkan.

Kedua-dua model itu dilancarkan oleh Perdana Menteri Datuk Seri Dr Mahathir Mohamad di Dataran Putrajaya di sini. Turut hadir ialah ketua pegawai eksekutif Proton Tengku Tan Sri Mahaleel Tengku Ariff.

Arena adalah berasaskan alat-alat mekanikal yang teruji kereta saloon Proton Wira 1.5 tetapi bercirikan kabin dua tempat duduk dan ruang badan datar yang lapang bagi memenuhi kehendak kenderaan aktiviti bersilang.

Format kenderaan angkut itu diwujudkan dengan menggabungkan pembinaan badan tunggal pada kereta saloon dengan kerangka untuk menanggung bebanan. Diserapkan bersama adalah sebuah "kotak kuasa pusingan" yang mengeluarkan struktur gabungan yang kuat.

Enjinnya, yang memenuhi piawaian EURO II bagi kawalan keluaran asap, adalah unit 1.5 liter 12 injap yang memacu Wira 1.5, dengan sistem pengurusan enjin EMS400 hakmilik Proton.

Proton Arena menggabungkan suspensi depan saloon Wira dengan torsion beam, alat spring paraboli di bekang.

Ia didatangkan dengan tiga versi, berharga rendah (RM37,250.21), harga pertengahan sportif (RM39,552.22) dan harga tinggi sportif (RM41,249.42).

Sebaliknya Proton Waja baru 1.8 liter bercirikan pacuan dengan kawat, pemasaan injap berubah-ubah dan transmisi ubahsuai automatik bagi tindakan digital segera dan pengalaman panduan yang dipertingkatkan.

Waja terbaru itu berkuasakan enjin 16 injap DOHC empat silinder 1.8 liter dengan pemanduan dan pengendalian yang dipertingkatkan dan kebisingan, getaran dikurangkan.

Ciri-ciri keselamatan di dalam Waja 1.8 termasuk sistem brek cakera dipertingkatkan dilengkapi dengan agihan kuasa brek elektronik, yang mengoptimumkan kuasa brek menurut bebanan di dalam kenderaan dan juga beg udara bagi pemandu dan penumpang depan di dalam model-model premium.

Harga di atas jalan Waja 1.8 adalah di antara RM77,000 dan RM78,000 bergantung kepada pakej aksesori. -- BERNAMA

AKT FR OS